

ՀԱՆՐԱՅԱՎԱՔ

«ՎՐԱՍՏԱՆԻ ՈՒՂԻՆ ԴԵՊԻ ԵՎՐՈՊԱ»՝ ԵՐԿՐԻ ԳԼԽԱՎՈՐ ԱՌԱՋՆԱՅԵՐԹՈՒԹՅՈՒՆ

Դեկտեմբերի 14-ին «Վրացական երազանք-ժողովրդավարական Վրաստան» կառավարող կուսակցության կողմ, Թբիլիսիի Ազատության հրապարակում անցկացվեց բազմադարձ հանրահավաք՝ ի նշանավորումն Նոյեմբերի 27-ին Վրաստանի կողմից Եվրախորհրդի նախագահության ստանձնման: Հանրահավաքին իրենց ներկայությունը բերեցին Վրաստանի բոլոր տարածաշրջանների, այդ թվում՝ Սամցխե-Ջավախեթի մունիցիպալիտետների ներկայացուցիչները: Հանրահավաքի կազմակերպիչների հավաստմամբ, սա ուղղված է այն մարդկանց, «ու՜մ համար Վրաստանի եվրոպական ապագան կարելու է ու արժեքավոր»:

Վրաստանի պետական օրհներգով մեկնարկած հանրահավաքին խոսքով ելույթ ունեցան Վրաստանի վարչապետ Գիորգի Գախարիան, կուսակցության գլխավոր քարտուղար, Թբիլիսիի քաղաքապետ Կախա Կալաձեն, «Վրացական երազանք» կուսակցության նախագահ Բիծինա Իվանիշվիլին (ստորել ներկայացնում ենք հատվածներ Բիծինա Իվանիշվիլու եւ Գիորգի Գախարիայի ելույթներից):



ԲԻԶԻՆԱ ԻՎԱՆԻՇՎԻԼԻ. «ՔՐԻՍՏՈՆԵՈՒԹՅՈՒՆԸ ՎՐԱՍՏԱՆ ԲԵՐԵՅ՝ ԿԱՊԱՂՈՎԿԻԱՅԻ ՆԻՆՈՆ, ՀԱՎԱՏԱՐՄՈՒԹՅՈՒՆ ՀԱՅՏՆԵՅԻՆ ՀԱՅ ՇՈՒՇԱՆԻԿԸ, ԱՐԱԲ ԱԲՈՆ, ՊԱՐՄԻԿ ԵՎԱՍՏԱՏԻՈՒՄԸ»



Դեկտեմբերի 14-ին «Վրացական երազանք» կուսակցության երիտասարդական թևի կողմից կազմակերպված «Վրաստանի ուղին դեպի Եվրոպա»՝ Վրաստանի՝ Եվրոպայի խորհրդի նախագահ դառնալուն նվիրված հանրահավաքին խոսելով եվրոպական արժանատիների մասին՝ «Վրացական երազանքի» նախագահը անդրադարձ կատարեց պատմական անցյալին՝ նշելով, որ քրիստոնեությունը Վրաստան բերեց կապաղովկիացի Նինոն, որին հավատարմություն հայտնեցին հայ Շուշա-

նիկը, արաբ Աբոն եւ պարսիկ Եվաստատիուրը:

- Վրաստանը գինու ու, մեծ հավանականությամբ, նաեւ ցորենի հայրենիքն է, քանի որ հենց մեզ է եվրոպական առաջին քաղաքակրթությունը, Հունաստանն անվանել «Գեորգիա»՝ հողագործություն:

Մենք դեռեւս 12-րդ դարում, Եվրոպայում առա-

ջիններն ունեինք կին թագավոր, դրեցինք պառլամենտարիզմի հիմքը, եւ հենց Վրաստանում Շոթա Ռուսթավելին առաջինն օրորեց եվրոպական հումանիզմի օրորոցը:

(Շարունակությունը՝ 4-րդ էջում)

ԳԻՐԳԻ ԳԱԽԱՐԻԱ. «ԵՎՐՈՊԱՆ՝ ՎՐԱՍՏԱՆԻ ԱՆՑՅԱԼՆ Է, ՆԵՐԿԱՆ ՈՒ ԱՊԱԳԱՆ»

Դեկտեմբերի 14-ին, Եվրոպայի խորհրդի նախագահության ստանձնման առթիվ կայացած հանրահավաքին, Վրաստանի վարչապետ Գիորգի Գախարիան հայտարարեց, որ Եվրոպան Վրաստանի անցյալն է, ներկան ու ապագան:

Վարչապետի խոսքով, 20 տարի առաջ դառնալով Եվրոպայի խորհրդի անդամ, Վրաստանը այսօր արդեն արժանացել է այդ հեղինակավոր կազմակերպությունը նախագահելու պատվին, ինչը կրկին անգամ Վրաստանի կողմից իրականացվող եվրոպամետ քաղաքականության, իրականացված բարեփոխումների հաջող ընթացքի ակնհայտ արտահայտությունն է: Ինչպես նշեց Գիորգի Գախարիան, Վրաստանը երբեք այսքան մոտ չի եղել Եվրոպային, քան այսօր, եւ այդ ամենին երկիրը հասել է «Վրացական երազանքի» առաջնորդ

Բ ի ձ ի ն ա Իվանիշվիլու հետ:

- Մենք բոլորս լավ հասկանում ենք, որ այսօր քաղցր կյանքով չեն ապրում մեր քաղաքացիները, սակայն այն, ինչ արել ենք մենք վերջին տարիների ընթացքում, ակնհայտ է: Վրաստանը տնտեսական ենթատեքստում երբեք Եվրոպայի հետ այսքան մոտ հարաբերություններ չի ունեցել: Այսօր Վրաստանի յուրաքանչյուր քաղաքացի կարող է առանց վի-



զայի Եվրոպա ճանապարհորդել: Սա տեղի է ունեցել վերջին տարիներին, ու մեզնից յուրաքանչյուրը պետք է հպարտանա նաեւ նրանով, ինչ սպասվում է մեզ առջեւ: Այդ ամենին մենք հասնելու ենք մեր առաջնորդ Բիծինա Իվանիշվիլու կողքին,- հայտարարեց Գիորգի Գախարիան:

ՄԵՆՔ 99 ՏԱՐԵԿԱՆ ԵՆՔ

Ահա շրջվեց «Վրաստան» թերթի պատմության մատյանի 99-րդ էջը: Իր ուղին սկսվելով



1920 թվականի դեկտեմբերի 15-ին «Կարմիր աստղ» անվամբ՝ թերթը, իր պատմության 99 տարիների ընթացքում միշտ հավատարիմ իր պատմական առաքելությանը՝ գործունե, հաստատուն կամուրջ ծառայել հայ ու վրաց եղբայրական ժողովուրդների բարեկամական հարաբերությունների զարգացմանը, իսկ Վրաստանի ու Հայաստանի պետական անկախության վերականգնմանը հետո, հնարավորինս նպաստել երկու երկրների միջեւ սերտ համագործակցության ծավալմանը, իր հազարավոր ընթերցողներին մանրամասն տեղեկատվություն փոխանցել Վրաստանում եւ Հայաստանում ծավալվող իրադարձությունների մասին, նյութեր հրապարակում վիրահայ համայնքի կյանքից, նրա առօրյայից:

Այսօր էլ մենք, հավատարիմ մեր կոչմանը, առկա առանձին բարդությունների պայմաններում փորձում ենք մեր ընթերցողների աջը պահել երկրի զարկերակին, ապրել նրա կյանքով, լինել երկրի հասարակության անկապտելի մասը:

Եվս մեկ տարի, եւ մեր «Վրաստանը» կնշի իր մեկդարյա հորելյանը: Այդ տարեդարձի սպասումով մենք կշարունակենք մեր թերթի ստեղծման ակունքում կանգնած մեր մեծերի գործը, հավատարիմ կծառայենք մեր եղբայրական երկու ժողովուրդների շահերին:

«Վրաստան»-ին՝ հիմնադրման 99-ամյակի առթիվ իրենց շնորհավորանքներն ու ստեղծագործական արգասաբեր գործունեության մաղթանքներ են հղել 101-ամյա «Սաքարթվելոս ռեսպուբլիկա» թերթի գլխավոր խմբագիր Սպարտակ Քոբալիան, 101-ամյա «Արմենպրեսի» գլխավոր տնօրեն Արամ Անանյանը, Հայաստանի ժուռնալիստների միության նախագահ, «168 ժամ» թերթի գլխավոր խմբագիր Սաթեմիկ Սեյրամյանը, Վրաստանի ժուռնալիստների միության համանախագահներ Մարինա Թեքթումանիձեն եւ Մարինե Գիգինիշվիլին, 98-ամյա «Գյուրջիստանի» գլխավոր խմբագիր Իսլամ Ալիևը, 94-ամյա «Վեչերնի Տբիլիսի» թերթի խմբագիր Վադիմ Անաստասիադին:

ՎՐԱՍՏԱՆ - ԱՄՆ

ՅՈՒՐԱՔԱՆՅՅՈՒՐ ՔՆՆԱԳԱՏՈՒԹՅՈՒՆ ԸՆԴՈՒՆՎՈՒՄ Է ԱՇԽԱՏԱՆՔԱՅԻՆ ՌԵԺԻՄՈՒՄ

ԱՄՆ մի շարք կոնգրեսականներ նամակ են ուղղել Վրաստանի վարչապետ Գիորգի Գախարիային, որտեղ մտահոգություն է արտահայտվել «խոստացած քաղաքական բարեփոխումները մերժելու եւ խաղաղ ցուցարարների նկատմամբ ուժ գործադրելու մասին»:


Մեկնաբանելով նամակը՝ Գիորգի Գախարիան նշեց, որ ԱՄՆ-ը Վրաստանի ռազմավարական գործընկերն է:

- Կոնգրեսականները Վրաստանի բարեկամության խմբի դեկավարներն են: Մեր գործընկերներից ամեն տեսակի քննադատություն ընդունում ենք աշխատանքային ռեժիմում եւ որեւէ խնդիր չենք տեսնում: Գոյություն ունեն իրավական ընթացակարգեր, որոնք արդեն ավարտվել են, սա

խորհրդարանի որոշումն է, եւ ոչ ոք չի կարող կասկածի տակ դնել Վրաստանի խորհրդարանի որոշումը: Մնացած ամեն ինչ քաղաքական գործընթաց է: Ինչպես գիտեք, երկխոսությունը դեսպանների միջնորդությամբ ընթանում է,- ասաց Գիորգի Գախարիան:

Նրա խոսքով, եվրատլանտյան ինտեգրման ճանապարհին Վրաստանը երբեք չի ունեցել այդպիսի նշանակալի առաջընթաց:

ԵՎԱՄՈՒՏՆԵՐԻ ԾԱՌԱՅՈՒԹՅՈՒՆ



ՆՈՐ ԵՆԹԱԿԱՌՈՒՅՈՒՆՆԵՐՆԵՐԻ ՆԱԽԱԳԻԾ՝ «ՄԱՂԱԽԼՈ»

ՍԱՀՄԱՆԱՅԻՆ ԱՆՅԱԿԵՏՈՒՄ

Դեկտեմբերի 18-ին Եվրամիության աջակցությամբ, «Սաղախլո» սահմանային անցակետում, կայացավ նոր ենթակառուցյի բացման արարողությունը: Ենթակառուցյը հազեցված է եվրոպական չափորոշիչների բացառիկ սարքավորումներով եւ նախատեսված է անասնաբուժական-սանիտարական ու ֆիտոսանիտարական վերահսկողության համար:

Բացման արարողությանը ելույթ ունեցան Վրաստանի ֆինանսների նախարար Իվան Մաճավալիան, Եկամուտների ծառայության ղեկավար Լեւան Կակավան, Վրաստանում Եվրամիության պատվիրակության համագործակցության ղեկարարամենտի պետ Վինսենթ Ռեյը:

Եվրամիության չափորոշիչներին համապատասխան, սանիտարական, ֆիտոսանիտարական եւ անասնաբուժական վերահսկողության համար համապատասխան ընթացակարգերի իրականացումը Եվրամիության հետ ինտեգրման նշանակալից հատվածն է (Շարունակությունը՝ 2-րդ էջում)

ԲԱՆԱԿ

ՍԱԼՈՍԵ ԶՈՒՐԱԲԻՇՎԻԼԻՆ ՅԱՆՂԻՊԵՑ «ԶԻՆՈՒԺ»-Ի ՆԵՐԿԱՅԱՑՈՒՑԻՉՆԵՐԻ ՅԵՏ

Դեկտեմբերի 17-ին Վրաստանի նախագահ Սալոմե Զուրաբիշվիլին հանդիպեց Պաշտպանության ուժերի հրամանատար, գեներալ-լեյտենանտ Վլադիմիր Չաչիբաիայի եւ Գլխավոր շտաբի ներկայացուցիչների հետ: Հանդիպման ժամանակ վերջինները ներկայացրին պարբերական զեկույց:

Հանդիպմանը քննարկվել են Պաշտպանության ուժերում իրականացվող բարեփոխումները, ինչպես նաեւ 2020-2021 թվականների համար նախատեսված միջոցառումները:

Քննարկվել են նաեւ միջազգային գործընկերների հետ բազմակողմ եւ երկկողմ ձեռնարկով համագործակցության, ինչպես նաեւ տարածաշրջանային եւ Սեւծովյան անվտանգությանը վերաբերվող հարցեր:



Նշենք, որ Վրաստանի նախագահը համարվում է նաեւ «Զինուժ»-ի գլխավոր հրամանատարը:

ՀԱՆՂԻՊՈՒՄ

ՆԵՐԿԱՅԱՑՎԵՑ ՄԵԾԱՄԱՍՆԱԿԱՆ ՄԱՆՂԱՏՆԵՐԻ ԿՐՃԱՏՄԱՆ ԿՈՆԿՐԵՏ ԾՐԱԳԻՐ



Հիշեցնենք, որ դիվանագետների միջնորդությամբ վերոնշյալ հանդիպումները հետապնդում են նույնների 14-ին խորհրդարանի կողմից համամասնական օրինականագծի մերժման արդյունքում երկրում ծագած բողոքի արտահայտումը փողոցներից բանակցությունների սեղանի շուրջ տեղափոխելու եւ ընտրական համակարգի փոխընդունելի տարբերակի մշակման նպատակ:

Առաջին երեք հանդիպումներում կողմերը քննարկեցին ընտրական այսպես կոչված «գերմանական մոդելը», ապա այդ «մոդելի» առանձին մասերը, սակայն կոնկրետ որոշման չհանգեցին: Քննարկվեց նաեւ մեծամասնական պատգամավորների կողմից ներկայացված, միայն մեծամասնական ընտրակարգով ընտրություններն անցկացնելու նախագիծը, թեպետ դա էլ մերժվեց:

Դեկտեմբերի 20-ին Վրաստանում հավատամազրկված դիվանագիտական կորպուսի ներկայացուցիչների միջնորդությամբ, Թբիլիսիի «Շերաքոն» հյուրանոցում կայացավ իշխանության եւ ընդդիմադիր կուսակցությունների ներկայացուցիչների թվով չորրորդ հանդիպումը:

Թվով չորրորդ հանդիպմանը, ինչպես նշեց խորհրդարանի նախագահ Արչիլ Թալալվաձեն, կառավարող թիւնը ընտրական համակարգի հետ կապված պատրաստել է կոնկրետ առաջարկներ: Մասնավորապես, այն քաղաքական սպեկտրին առաջարկում է, որ պահպանվի գործող խառը ընտրական համակարգը, սակայն համամասնական բաժինն այս համակարգում ավելանա մինչեւ երկու երրորդը: Արչիլ Թալալվաձենի խոսքով, դրա շուրջ համաձայնության գալու դեպքում, համամասնական կարգով կընտրվի 100 պատգամավոր, իսկ մեծամասնական մանդատը կկրճատվի մինչեւ 50:

Ինչպես հայտնի դարձավ հանդիպման ավարտից հետո, ընդդիմության ներկայացուցիչները քննադատաբար են մոտեցել կառավարող թիւի վերոնշյալ առաջարկությանը՝ նշելով, որ առաջիկա ընտրությունների գլխավոր չափորոշիչը լինելու է թափանցիկ, արդարացի ընտրության անցկացումը, եւ որ սույն առաջարկությունը չի վերացնում քվեների կեղծումների ու քվեարկության շահարկման հնարավորությունը:

ՏԱՐԵԿԱՆ ՀԱՆՂԻՊՈՒՄ

ԴԵՄՊԱՆՆԵՐԸ ՀԱՆՐԱԳՈՒՄԱՐԵՑԻՆ ՏԱՐԿԱ ԱՐԴՅՈՒՆՔՆԵՐԸ

Դեկտեմբերի 17-20-ը Թբիլիսիում անցկացվեց արտասահմանում Վրաստանի դիվանագիտական ներկայացուցիչների տարեկան ավանդական հանդիպումը: Այն բացեց Վրաստանի արտաքին գործերի նախարար Դավիթ Ջալկալիանին: Նախարարը համրագումարեց երկրի դիվանագիտական կորպուսի մեկամյա աշխատանքի արդյունքները, դիվանագետներին ներկայացրեց առաջիկա անելիքները:

Դիվանագետների հավաքին ելույթ ունեցավ նաեւ Վրաստանի վարչապետ Գիորգի Գախարիան: Նա մանրամասնեց արտաքին գերատեսչության աշխատակիցների առաջնահերթությունները, ընդ որում առաջնային պլան մղելով նրանց գործունեությունը տնտեսական կապերի ընդլայնման, ներդրումային ներուժի ավելացման, տարածաշրջանային անվտանգության եւ խաղաղության ամրապնդման գործում:

- Ընդունելի է ամեն ինչ, բացի պատերազմից: Մեր քաղաքականությունը պետք է լինի ողջամիտ՝ հիմնված բացարձակապես ստոր դատողության վրա, եւ մենք պետք է ձեռնարկենք բոլոր քայլերը, որպեսզի մեկընդմիջ տերականգներ մեր երկրի միասնությունը: Մենք պետք է դա անենք եւ օգտագործենք բոլոր միջոցները, որպեսզի պատերազմ չլինի: Մենք ստանձնել ենք այդ պարտավորությունը եւ պետք է կատարենք այն,- հայտարարեց Գիորգի Գախարիան:

Դիվանագետների քառօրյա հավաքը աշխատանքը շարունակեց աշխատանքային խմբերում:

ՈՂԲԵՐԳԱԿԱՆ ՄԻՋԱՂԵՊ

ԱՆԸՆԴՈՒՆԵԼԻ Է ՔԱՂԱՔԱԿԱՆ ՆՊԱՏԱԿՆԵՐԻ ՀԱՄԱՐ ՈՂԲԵՐԳՈՒԹՅԱՆ ՕԳՏԱԳՈՐԾՈՒՄԸ



Լուկա Սիրով

Դեկտեմբերի 11-ին Թբիլիսիում վավերացվեց դեռահասի կողմից ինքնասպանության փորձ. 17-ամյա Լուկա Սիրովին ցատկեց բնակելի շենքի 9-րդ հարկից եւ ծանր վնասվածքներով փոխադրվեց Իշվիլու կլինիկա, որտեղ եւ մահացավ դեկտեմբերի 15-ին:

Տասներորդ դասարանի աշակերտը ինքնասպանության փորձ էր կատարել, երբ նրան որպես վկա, հարցաքննել են «Դիդուբե-2» ոստիկանության առաջին բաժնում «Կանաչ դպրոցի» գործով՝ պատերին արված գրությունների համար: Ինչպես հայտարարում է փաստաբանը, հարցաքննության ժամանակ նրա վրա իրագործվել էր հոգեբանական ճնշում: Փաստաբանի տեղեկությամբ, քննիչ Մարիանա Չոլոյանը դեռահասից պահանջում էր խոստովանել, որ ինքը խուլիգանություն է գործել:

Դեռահասի մահվան լուրը բողոքի լուրջ ալիք բարձրացրեց: «Ես կյանքի մերն եմ...» կարգախոսով բողոքի հանահավաքներ անցկացվեցին Վրաստանի խորհրդարանի, ՆԳ նախարարության կենտրոնականային, Ազգային անվտանգության ծառայության շենքի մոտ:

Դեռահասի մահվան հանգամանքների պարզեցման նպատակով, հարուցվել է քրեական գործ: 15-ամյա տղայից ինքնախոստովանական ցուցմունք կորգելու

մեղադրանքով, ձերբակալվել է քննիչ Մարիանա Չոլոյանը: Նշենք, որ ներկա դրությամբ դատարանի որոշումով Մարիանա Չոլոյանի նկատմամբ սահմանվել է երկամսյա արգելափակում:


Վրաստանի վարչապետ Գիորգի Գախարիան ցավակցություն է հայտնել 15-ամյա Լուկա Սիրովի ողբերգական մահվան կապակցությամբ:

- Նախելառեց, ես ողջ պատասխանատվությամբ հայտարարում եմ, որ բոլոր անձինք, անկախ իրենց աստիճանից կամ կարգավիճակից, խիստ կպատժվեն, որոնց կողմից որեւէ տեսակի հանցագործություն կհաստատի պետական տեսչի ծառայությունը, անկախ քննչական գերատեսչությունը, որի ստեղծելուն մենք աջակցել ենք:


Առաջին հերթին, մենք պետք է ամեն ինչ անենք, որպեսզի ոչ մեկի մոտ հարցեր չմնան այս ողբերգության կապակցությամբ: Անկախ գերատեսչության կողմից իրականացվող հետաքննությունը չպետք է թողնի որեւէ հարց անպատասխան: Հետեւաբար, ես կարգադրում եմ ներքին գործերի եւ կրթության նախարարություններին, համագործակցել հետաքննության հետ, որը կլինի բաց ու թափանցիկ: Ինչ վերաբերում է անչափահասների արդարադատությանը, կրթության կամ առողջապահության

ոլորտում մարտահրավերներին: Չնայած, որ վերջին տարիներին մենք բազմաթիվ քայլեր ենք ձեռնարկել այս ոլորտում թե՛ օրենսդրական եւ թե՛ գործնական բարելավման ուղղությամբ, մենք դեռ ունենք տարիների ընթացքում կուտակված խնդիրներ: Գործնականում, կանգնած ենք մարտահրավերների առջեւ,- նշեց վարչապետը: Խնդրի կարգավորման համար, նա կոնկրետ հանձնարարություններ հանձնեց համապատասխան գերատեսչություններին:

«Վրաստանի կառավարությունը ողջ պատասխանատվությունը վերցնում է իր վրա եւ հնարավորինս կարճ ժամանակահատվածում ավարտին կհասցնի սկսված բարեփոխումները: Մենք ակնկալում ենք մեր միջազգային գործընկերների աջակցությունը: Անընդունելի է այս ողբերգությունը օգտագործել քաղաքական նպատակների համար: Բոլորը պետք է համագործակցեն հետաքննության հետ», - ասված է վարչապետի հայտարարության մեջ:



Մարիանա Չոլոյան



ԱՄՆ

ՆԵՐԿԱՅԱՑՈՒՑԻՉՆԵՐԻ ՊԱԼԱՏԸ ՀԱՎԱՆՈՒԹՅՈՒՆ ՏՎԵՑ ԻՄՓԻԶՄԵՆԹԻՆ

Դեկտեմբերի 18-ին ԱՄՆ Կոնգրեսի Ներկայացուցիչների պալատը հաստատեց երկրի նախագահ Դոնալդ Թրամփի դեմ մեղադրանքի առաջին հոդվածը պաշտոնազրկման ընթացակարգի շրջանակում: Այն բանի օգտին, որպեսզի Թրամփին մեղադրեն իշխանության չարաչափ մեջ, քվեարկել է 230 օրենսդիր, դեմ է 197 կոնգրեսական, մեկը՝ ձեռնպահ:

ԱՄՆ-ի Կոնգրեսի Ներկայացուցիչների պալատը հաստատեց նաեւ երկրի նախագահի դեմ մեղադրանքի երկրորդ հոդվածը: Կոնգրեսի հետաքննությանը խոչընդոտներ նյութելու մեջ պետության ղեկավարի մեղադրանքի օգտին քվեարկել է 229 օրենսդիր, դեմ է եղել 198 կոնգրեսական, մեկը՝ ձեռնպահ:

Այժմ մեղադրական եզրակացությունը կհանձնվի Սենատին, որտեղ ընթացակարգը կվերածվի դատավարության: Այն կդեկլարի ԱՄՆ-ի Գերագույն դատարանի նախագահը: Ներկայացուցիչների պալատն այդ դատավարությունում փաստորեն հանդես է գալիս որպես մեղադրող կողմ, իսկ սենատորները կատարում են երդվյալների պարտականությունները:

Պաշտոնանկ հայտարարելու համար, անհրաժեշտ է սենատորների ձայների առնվազն երկու երրորդը (67-ից ոչ պակաս):

ՄԵԾ ԲՐԻՏԱՆԻԱ ՓՈԽՎՈՒՄ Է BREXIT-Ի ՄԱՍԻՆ ՕՐԻՆԱԳԻԾԸ

Մեծ Բրիտանիայի վարչապետ Բորիս Ջոնսոնի կառավարությունը պլանավորում է օրենսդրորեն բացառել Brexit-ից հետո անցումային շրջանի երկարաձգման հնարավորությունը: Համապատասխան փոփոխությունները մտցվել են Brexit-ի մասին օրինագծում, որը դեկտեմբերի 20-ին քննարկեց Համայնքների պալատի մոր կազմը: Ուղղումները ենթադրում են, որ անցումային շրջանը կավարտվի 2020 թվականի դեկտեմբերի 31-ին եւ չի երկարաձգվի, անկախ Եվրամիության հետ առեւտրական բանակցությունների արդյունքներից:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ԵԿՈՆՈՄԻԿԱ

ՄԵԿՆԱՐԿԵՅ՝ «100 ՆԵՐԴՐՈՒՄԱՅԻՆ ԱՌԱՋԱՐԿ ԲԻԶՆԵՍԻՆ» ԿԱՌԱՎԱՐԱԿԱՆ ՆԱԽԱԳԻԾԸ

Դեկտեմբերի 19-ին, կառավարության «100 ներդրումային առաջարկ բիզնեսին» նախագծի շրջանակներում, հայտարարվել է 88 աճուրդ:

Նշենք, որ խոսքը վերաբերում է այն օբյեկտներին, որոնք այս փուլում չեն վաճառվել: Կրկնակի աճուրդին մասնակցելու հայտերի ընդունումը ավարտվելու է հունվարի 8-ին:


Սեփականաշնորհմանը ենթակա օբյեկտները բիզնեսին կառավարությունը

առաջարկել է նոյեմբերի 29-ին: Դրանից հետո վաճառվել է 26 օբյեկտ, եւ պետությունը կարողացել է կենտրոնացնել մոտ 41 միլիոն լարի:

Վաճառված օբյեկտների միջեւ են Մեստիայում նախագահական նախկին նստավայրը՝ 7,51 միլիոն լարի, Բախ-

մարոյում գտնվող հողատարածքները եւ շենքերը՝ 2 538 000 լարի, Թբիլիսիում, Խոշարաուլու փողոցում գտնվող հողատարածքն ու շինությունները՝ 10 005 000 լարի:

Գույքի ազգային գործակալությունում ասում են, որ սեփականաշնորհմանը ենթակա օբյեկտների ցուցակին աստիճանաբար կավելացվեն նոր օբյեկտներ:



ՔԵԼԼԻ ԴԵԳԱՆԸ

ՎՐԱՍՏԱՆՈՒՄ ԱՄՆ ՆՈՐ ԴԵՄՊՆ

Վրաստանում ԱՄՆ-ի դեսպանի պաշտոնում նշանակվել է Քելլի Դեգնանը: Միացյալ Մահամզների սենատն արդեն կայացրել է համապատասխան որոշում:

Մինչեւ նշանակումը Քելլի Դեգնանը եվրոպայում եւ Աֆրիկայում ԱՄՆ նավատորմի քաղաքական խորհրդատուն էր: Դիվանագիտական բարձրագույն պաշտոններ է զբաղեցրել Իտալիայում, Կոսովոյում, Աֆղանստանում եւ Թուրքիայում, ունի աշխատանքային 25 տարվա փորձ:

Յիշեցնենք, որ ԱՄՆ դեսպանի պաշտոնը թափուր էր 2018-ի մարտից: 2015-ից 2018 թվականներին Վրաստանում ԱՄՆ դեսպանն էր Յան Քելլին:

ԴԱՆԱԿԱՅԱՐԵԼ ԵՆ

ՑՈՏՆԵ ՉԱՄՍԱԽՈՒՐԴԱՅԻՆ

Դեկտեմբերի 19-ին, ուշ երեկոյան Թբիլիսիի Վերայի թաղամասում վիրավորել են Վրաստանի առաջին նախագահի որդուն, Ցոտնե Գամսախուրդիային:

Ցոտնե Գամսախուրդիային տեղափոխվել է հիվանդանոց, որտեղ անց են կացրել շտապ վիրահատություն:

Վրաստանի ներքին գործերի նախարարությունը փաստով հետաքննությունը սկսվել է Վրաստանի ԶՕ 108-րդ հոդվածով, ինչը նշանակում է կանխամտածված սպանության փորձ:

ԴԱՏԱՐԱՆ

ՇԱԼՎԱԹԱՐՈՒՄԱՅԵՆ՝ ԳԵՐԱԳՈՒՅՆ ԴԱՏԱՐԱՆԻ ՔՐԵԱԿԱՆ ԴԱՍԱՏԻ ՆԱԽԱԳԱՆ

Ինչպես արդեն հաղորդել ենք, Վրաստանի խորհրդարանը քվեարկությամբ հաստատեց Վրաստանի Գերագույն դատարանի անժամկետ 14 դատավորների թեկնածությունները: Հաստատված թեկնածուների թվում էր նաեւ Վրաստանի գլխավոր դատախազ Շավա Թադումաձեն:

Դեկտեմբերի 17-ին նախկին գլխավոր դատախազը Գերագույն դատարանի դատավորների պլենումի նիստում միաձայն ընտրվեց Գերագույն դատարանի քրեական պալատի նախագահ:

Ըստ Գերագույն դատարանի տեղեկատվության, դատավոր-

ների լիազումար նիստում քննարկվել է նաեւ անժամկետ ընտրված դատավորների բաշխումը Վճռաբեկ դատարանում, ինչպես նաեւ դատավորների միջեւ դատական գործերի բաշխում:

Պլենումի նիստին մասնակցել է դեկտեմբերի 12-ին Վրաստանի խորհրդարանի կողմից ընտրված 14 դատավոր:

ԴԻՄԱԿԱՅՈՒԹՅԱՆ ԳՈՏԻ

ՎԱԺԱԳԱՓՐԻՆԴԱՇՎԻԼՈՒՆ ՍԱՅՄԱՆՎԵՑ ՄԵԿ ՏԱՐԻ ԵՎ 9 ԱՄՍՎԱ ԿԱԼԱՆՔ

Երեկ՝ դեկտեմբերի 20-ին, Ցխինվալիում կայացավ «սահմանը ապօրինաբար հատման» մեղադրանքով Վրաստանի քաղաքացի, բժիշկ Վաժա Գափրինդաշվիլու դատական նիստը: Ինքնահռչակ Հարավային Օսեթիայի իշխանությունները Վաժա Գափրինդաշվիլուն սահմանեցին 1 տարի եւ 9 ամսվա կալանք:

Ինչպես տեղեկացրել է Վրաստանի փաստաբանների միության նախարար Դավիթ Ասաթիանին, Ցխինվալիի ռեժիմը պատժել է Վաժա Գափրինդաշվիլուն իր սկզբունքային եւ հայրենասիր-

րական դիրքորոշման համար մեկ տարի եւ 9 ամիս:

- Շարունակվում է պայքարը բժշկի ազատության համար,- հայտարարեց Դավիթ Ասաթիանին:

Վաժա Գափրինդաշվիլին արդեն ավելի քան մեկ ամիս է՝ գտնվում է Ցխինվալիի մեկուսարանում: Նրան ձերբակալել էին նոյեմբերի 9-ին, «սահմանը» ապօրինի հատելու մեղադրանքով:

Նշենք, որ ձեռավորվել է Գափրինդաշվիլու ազատ արձակման համակարգող խորհուրդ, որի կազմում են Ջուրաբ Աբաշիձեն, Քեթեան Ցիխելաշվիլին, Լաշա Դարսալիան եւ Իրակլի Չիքովանին:



ՅԵՄՈՆԱՅՎՅՈՒՆ
ՆԱՅՆԱՅՆՈՒՆ

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՆՈՐ ԵՆԹԱԿԱՌՈՒՅՈՒՄԱՅԻՆ

ՆԱԽԱԳԻԾ՝ «ՍԱՐԱԽԼՈ» ՍԱՀՄԱՆԱՅԻՆ ԱՆՈՒՄՆԵՐԻ

(Սկիզբը՝ 1-ին էջում)

Է: Ուստի, վերջին տարիներին Վրաստանի ֆինանսների նախարարության եկամուտների ծառայությունը նշանակալի քայլեր է կատարել սահմանային տեսչական կետերի շինարարության, վերանորոգման եւ սարքավորումներով հագեցնելու ուղղությամբ:

Սահմանային տեսչության նման կենտրոնն առաջինն է Վրաստանի ու Հայաստանի սահմանային «Սարախլո» անցակետում: Այն երկու երկրների միջեւ բեռնափոխադրումների եւ ուղեւորափոխադրումների առավել ծանրաբեռնված անցակետ է: Հատկանշական է, որ «Սարախլո» սահմանային անցակետի տեսչական կենտրոնի շինարարությունը եւ սարքավորումներով հագեցումը նախատեսված էր «Խորը եւ համընդհանուր ազատ առեւտրի տարածքի մասին» համաձայնագրի 2018 եւ 2019 թվականների ազգային ծրագրերում: Շինարարության առաջին փուլն ավարտվեց 2018 թվականին, իսկ այս տարի իրականացվեցին ներքին հարդարանքներն ու սարքավորումներով հագեցումը: Հատկանշական է, որ, ելնելով Եվրամիության կարգավորումներից, օգտագործվեց Եվրամիության փորձագետների կողմից նշակված շինարարական նախագիծը:

Նշենք, որ այսօր Եվրամիության ֆինանսական աջակցությամբ, Վրաստանի սահմաններում այսօրվա դրությամբ գործում է սահմանային տեսչական չորս կենտրոն՝ երկուսը Թուրքիայի սահմանագծում, մեկը Փոթիի նավահանգստում, եւս մեկը՝ Ադրբեջանի հետ սահմանագծում:

Գործընկերների օգնությամբ, սահմանային վերահսկողությունում իրա-



կանացվող անասնաբույժերի եւ ֆիտոսանիտարների համար անցկացվեց վարժանք, իրականացվեց տեղական մարզիչների նախապատրաստում, մշակվեցին եւ հաստատվեցին վերահսկողության ձեռնարկները, ներդրվեցին տարբեր տեսակի ընթացակարգեր:

Եվրոպական չափորոշիչներով կառուցված ենթակառուցային մոր կետը նպաստում է արտաքին առեւտրի զարգացմանը, բարելավում վերահսկողության ընթացակարգերն ու ապահովում բնակչությանը էկոլոգիապես մաքուր մթերքների մատակարարումը: Ենթակառուցային մոր կետի բացումից հետո, անցկացվեց կանաչապատման ակցիա: Միջոցառման մասնակիցներն ու մաքսային աշխատակիցները մաքսատան հարակից տարածքում տնկեցին 33 սոճու տնկի:

Միջոցառմանը ներկա էին դիվանագիտական կորպուսի ներկայացուցիչներ: Ներկաների թվում էին Վրաստանում Հայաստանի արտակարգ եւ լիազոր դեսպան Ռուբեն Սադոյանը, Վրաստանում հավատարմագրված Եվրամիության գործադիր, օրենսդրական ու տեղական մարմինների ներկայացուցիչներ, ֆինանսների նախարարության եկամուտների ծառայության աշխատակիցներ եւ մաքսայիններ:

ՎՐԱՍՏԱՆԻ ՖԻՆԱՆՍՆԵՐԻ ՆԱԽԱՐԱՐՈՒԹՅԱՆ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ



ՄԱԳԹԻ ԱՌԱՋԱՐԿՈՒԹՅՈՒՆԸ ՏԱՐԱԾԱԾԵՐՋԱՆՆԵՐԻՆ

ՀԱՄԱՑԱՆՑ, ՀԵՌՈՒՍԱՏԵՍՈՒԹՅՈՒՆ ԵՎ
ԱՌԱՆՑ ԼԻՄԻՏԻ ԽՈՍԱԿՑՈՒԹՅՈՒՆ ԲՋՋԱՅԻՆՈՎ,
ԱՄՍԱԿԱՆ՝ 34 ԼԱՐԻՈՎ



Օպտիկական – մանրաթելային համացանց
20 մգ/վրկ փաթեթ



IP հեռուստատեսություն
Վերափաթեթավորման գործառույթով – 105 ալիք



Բջջային հեռախոս
Մերվիս «Մերոնք», առանց լիմիտի
խոսակցություն Մագրիկոմի բջջային
ցանցով՝ ընտանիքի 4 անդամների միջև



Նվեր

- WiFi սարք տանը՝ համացանցի ազդանշանի տարածման համար
- Հեռուստատեսության 1 լրացուցիչ փաթեթ

Ծրագրերի մուտքագրումը՝ անվճար

Առաջարկությունը ուժի մեջ է միացումից հետո 2 տարվա ընթացքում



Կապվեք՝ 11 00 11 - բջջային ցանցով,
032 217 00 00 – ցանկացած ցանցով

www.magticom.ge

Մագրիկոմի ցանցով հեռախոսազանգը անվճար է:

ՀԱՆՐԱՅԱՎԱՔ

ԲԻԶՆԵՍ ԻՎԱՆԻՇՎԻԼԻ. «ՔՐԻՍՏՈՆԵՈՒԹՅՈՒՆԸ ՎՐԱՍՏԱՆ ԲԵՐԵՅ ԿԱՊԱՊՈՎԿԻԱՅԻ ՆԻՆՈՆ, ՀԱՎԱՏԱՐՄՈՒԹՅՈՒՆ ՀԱՅՏՆԵՅԻՆ ՀԱՅ ՀՈՒՇԱՆԻԿԸ, ԱՐԱՐ ԱՐՈՆ, ՊԱՐՄԻԿ ԵՎԱՍՏԱՏԻՈՒՄԸ»

(Սկիզբը՝ 1-ին էջում)

Ժողովրդավարություն, օրենքի գերակայություն, հավասարություն եւ հանդուրժողականություն՝ սրանք այն արժեքներն են, որոնց վրա կանգնած է Եվրոպան, եւ որն այդքան խորը պատել է վրացական հոգին: Հենց այդ բնավորությունն ու արժեքներն են Վրաստանը դարձնում Եվրոպայի մաս:

Լինել բազմազգ եւ բազմակրոն Վրաստանի զավակ, այսինքն՝ լինել վրացի, նշանակում է՝ երգել «Մրավալժամիերի», ստեղծել բազմաձայնություն, պարել խորումի, գրել ընծենավորը:

Հենց նման մոտեցումներով ենք մենք հասել Եվրոպայի հետ Ասոցիացման եւ Ազատ առևտրի պայմանագրերը կնքելու իրականությանը, հենց նման մոտեցումների շնորհիվ է Վրաստանի քաղաքացիներին շնորհվել Եվրամիությունում առանց վիզա երթևեկելու հնարավորություն:

Վստահ եմ, կգա այն օրը, երբ մենք կրկին այստեղ, այս խորհրդանշական վայրում, Ազատության հրապարակում, կտոնենք Վրաստանի անդամակցությունը Եվրոպային եւ միասին կստենք՝ վերականգնվեց պատմական արդարությունը, մենք հասանք մեր նպատակին, հայտարարեց Բիծինա Իվանիշվիլին:

ՎՐԱՍՏԱՆԸ ԵՎՐՈՊԱ ԿԵՐԱՊՈՒՆԱ ՈՉ ԹԵ ԶԵՎԱԿԱՆ, ԱՅԼ ԿԶԲԱՐԵՑՆԻ ԻՐԵՆ ՊԱՏՎԱՆՈՂ ՊԱՅՄԱՆ ՏԵՐԸ

Դեկտեմբերի 14-ին «Վրացական երազանք» կուսակցության երիտասարդական թևի կողմից կազմակերպված «Վրաստանի ուղին դեպի Եվրոպա»՝ Վրաստանի Եվրոպայի խորհրդի նախագահ դառնալուն նվիրված հանրահավաքին, կուսակցության նախագահ Բիծինա Իվանիշվիլին, դիմելով հավաքվածներին, նշեց, որ յոթ տարի է անցել Վրաստանի պատմության մեջ աննախադեպ մարդաշատ հավաքից: Յոթ տարի առաջ, այս հրապարակում մենք միավորեցինք ողջ երկիրը՝ հանուն ազատության եւ արժանապատվության: Այսօր էլ նույն վայրում մեզ կրկին միավորել է Եվրոպական ընտրության նկատմամբ հավատարմությունը: Ի՞նչ է Եվրոպան մեզ համար. Եվրոպան անտիկ Հունաստանում ստեղծված ժողովրդավարություն է, քրիստոնեություն, հանդուրժողականություն եւ բազմազանություն:

- Թող չկարծեն, որ մենք Եվրոպա ենք վերադառնում դատարկաձեռն: Մենք միշտ մեր ցանկալի ավանդն ենք

ներդրել Եվրոպական քաղաքակրթությունում: Մեր հողի վրա, «Կոլխեթի ակադեմիայի» արմատների վրա ծիլ արձակեցին Եվրոպական կրթության այնպիսի հզոր տարածաշրջանային կենտրոնները, ինչպիսիք էին Գելաթի եւ Իդալթոյի ակադեմիաները, հայտարարեց Բիծինա Իվանիշվիլին եւ հավելեց, որ մեր հայրենիքը Եվրոպական մշակույթն է:

- Վրաստանը «Ընծենավորի» քաղաքակրթությունն է, որտեղ օտարին ընդունելը եւ տարբեր մշակույթների համակցությունը հիմնված է ոչ թե բանաձեւի վրա, այլ մեր ինքնության մասն է, ընդգծեց «Վրացական երազանքի» նախագահը:

ԱՅՍՈՐ ԱՐԴԵՆ ԱՊՐՈՒՄ ԵՆՔ ԵՎՐՈՊԱԿԱՆ ԺՈՂՈՎՐԴԱՎԱՐՈՒԹՅԱՆ ՊԱՅՄԱՆՆԵՐՈՒՄ

Նման հանգամանք հայտնեց «Վրացական երազանք-ժողովրդավարական Վրաստան» կառավարող կուսակցության հիմնադիր եւ նախագահ Բիծինա Իվանիշվիլին՝ ելույթ ունենալով Թբիլիսիի Ազատության հրապարակում դեկտեմբերի 14-ին անցկացված տոնական հանրահավաքին, որը նվիրված էր Վրաստանի Եվրոպայի խորհրդի նախագահ դառնալուն:

- Այսօր ոմանք սարկազմով են ընդունում իմ խոսքերն այս մասին, որ մենք կստեղծենք ժողովրդավարություն: Իրականում մենք արդեն ապրում ենք Եվրոպական ժողովրդավարության պայմաններում, որին մենք հասել ենք ոչ թե բռնությամբ, ոչ թե Եվրոպայի գլխին մատելով, այլ հիմնվելով մեր արժեքների վրա, հայտարարեց Բիծինա Իվանիշվիլին: Նրա խոսքով, Եվրոպան ազատության եւ պատասխանատվության կատարյալ հավասարակշռություն է:

- Եվրոպան, առաջին հերթին, արդար իրավունք եւ քրիստոնեական ոգի է, հանդուրժողականություն ու բազմազանություն: Մենք դարձրել ենք այս արժեքներով ու վստահաբար կարող ենք ասել՝ մենք Եվրոպացիներ ենք: Ես հավատով եմ ապրում, որ վրաց ազգը, վրաց պետությունն ու վրաց եկեղեցին միասին են այս ընտրության մեջ: Որպես հավելյալ դժվարություններ՝ նախորդ իշխանություններից մենք ստացել ենք բռնազավթում, ավտորիտարիզմ, ազատ մարդկանց ու ազատ



մտքի սահմանափակմանն ուղղված ինստիտուտներ, նշեց «Վրացական երազանքի» նախագահը:

ԻՐԱՎԻՃԱԿԻ ՑԻՆԻՋՄԸ ՆՐԱՆՈՒՄ Է, ՈՐ ԲՈՆԱԶԱՎՈՐՄԸ ԶԵՎԱԿԵՐՊՈՂՆԵՐՆ ԱՅՍՈՐ ՀԱՅՐԵՆԱՍԻՐՈՒԹՅՈՒՆ ԵՆ ՔԱՐՈՋՈՒՄ

Խոսելով նախորդ իշխանության կողմից թույլ տրված ապօրինությունների մասին՝ «Վրացական երազանք» կուսակցության նախագահ Բիծինա Իվանիշվիլին առանձնակի կանգ առավ երկիրը տարածքների բռնազավթման փաստի առաջ կանգնեցրածների ներկայիս դիրքորոշման վրա:

- Ովքեր ձեռակերպեցին տարածքների բռնազավթումը, այսօր հազել են հայրենասերի թիկնոց եւ մեզ մեղադրում են բռնազավթման մեջ: Նրանք, ովքեր վերջին 30 տարիների ընթացքում կաշառակերության էտալոն էին, խորհրդարանի ամբիոնից խոսում են կոռուպցիայի մասին եւ իրենց փորձում ներկայացնել՝ որպես արդարացի դատարանի դրոշակակիրներ, Վրաստանի հրապարակում անցկացված հանրահավաքին հայտարարեց Բիծինա Իվանիշվիլին:

Նրա խոսքով, շատերն են բողոքում, որ «Վրացական երազանքը» նման մարդկանց նկատմամբ այնպես չվարվեց, ինչին նրանք արժանի էին, թեպետ ինչպես նշեց Բիծինա Իվանիշվիլին, կառավարող թիմը հավատարիմ է դեռել 2012 թվականին քարոզած գաղափարներին:

ՅՈՒՐԻ ՊՈՐՈՍՅԱՆ

Ի ԳԻՏՈՒԹՅՈՒՆ ՎԱՐՈՐԴՆԵՐԻ

ՀԵՐԹԱԿԱՆ ՆՈՐԱՄՈՒԾՈՒԹՅՈՒՆՆԵՐԸ՝ ՃԱՆԱՊԱՐՀԱՅԻՆ ԵՐԹԵՎԵԿՈՒԹՅԱՆ ԿԱՆՈՆՆԵՐՈՒՄ

Վերջերս առավել հաճախակի դարձավ ավտոճանապարհային միջադեպերի, դրանց արդյունքում՝ տուժվածների թվի ավելացման կապակցությամբ իշխանությունների կողմից շարունակվող փոփոխությունները ճանապարհային երթևեկության կանոններում: Իշխանությունը որոշակիորեն խստացնում է այդ կանոնների խստումների համար նախատեսված պատժամիջոցները: Ստորև. ներկայացնում ենք այդ փոփոխությունների որոշակի մասը, ինչպես նաեւ տեղեկատվություն, որը առանձնակի հետաքրքրություն է ներկայացնում վարորդների համար:

ՀԻՆ ՀԱՄԱՐԱՆԻՇՆԵՐԸ ԿԳՈՐԾԵՆ ՄԻՆԶԵՎ 2020 ԹՎԱԿԱՆԻ ՍԵՊՏԵՄԲԵՐԸ

Ինչպես տեղեկացրել է Վրաստանի ՆԳ նախարարության սպասարկումների գործակալությունը, տրանսպորտային միջոցների հին համարանիշների իրավական ուժը 2020 թվականի հունվարի 1-ի փոխարեն, կպահպանվի մինչեւ 2020 թվականի սեպտեմբերի 1-ը:

«2020 թվականի սեպտեմբերի 1-ից հին համարանիշները կկորցնեն իրավական ուժը, ուստի բոլոր վարորդները պետք է փոխարինեն նոր համարանիշներով: Այս կարգը տարածվում է բոլոր այն տրանսպորտային միջոցների վրա, որոնք համարանիշները ստացել են մինչեւ 2014 թվականը: Համարանիշ փոխելը վճարովի է, որը կկազմի 70 լարի», - ասվում է հայտարարության մեջ:

ՀԱՏՈՒԿ ՆՍՏԱՐԱՆ ԿԱՍ ԳՈՏԻ՝ ԵՐԵՆԱՆԵՐԻՆ ԱՎՏՈՍԵՔԵՆԱՅՈՎ ՏԵՂԱՓՈԽԵԼՈՒ ՀԱՄԱՐ

Եվս մի փոփոխություն է նախատեսվում «Ճանապարհային երթևեկության մասին» օրենքում: Այն հոկտեմբերի 14-ին ներկայացվել է խորհրդարանի բյուրոյի քննարկմանը:

Փոփոխությունների համաձայն, մինչեւ 13 տարեկան եւ 135 սմ հասակ ունեցող

երեխաներին մարդատար մեքենայով տեղափոխելու ժամանակ, պետք է օգտագործվի հատուկ նստարան կամ գոտի, որը կհամապատասխանի երեխայի բարձրությանը եւ քաշին:

Փոփոխությունները չեն վերաբերելու հասարակական տրանսպորտին, ինչպես նաեւ այն տրանսպորտային միջոցներին, որտեղ չեն նախատեսված նման սարքավորումներ:

ԱՐԱԳՈՒԹՅԱՆ ԳԵՐԱՋԱՆՑԱՆ ՏՈՒԳԱՆՔԸ ԿՐԿՆԱՊԱՏԿՈՒՄ Է



մեքենաների համար սահմանված արագությունը գերազանցելու համար, տուգանքները կխստանան:

Գերատեսչությունը համապատասխան օրենսդրական փոփոխություններն արդեն պատրաստել է, որոնք կներկայացվեն դեռ կառավարությանը, այնուհետեւ՝

խորհրդարանին:

Փոփոխությունների համաձայն, խելացի տեսախցիկներին կկցվի նաեւ միավորների համակարգը եւ, եթե վարորդը գերազանցի արագությունը, ավելացող տուգանքի հետ մեկտեղ, վարորդը կզրկվի նաեւ վարորդական իրավունքի միավորներից:

Հիշեցնենք՝ սահմանված արագությունը 16կմ/ժ-ով գերազանցելու դեպքում, տուգանքը կազմում է 50 լարի, 40 կմ/ժ-ով՝ 150 լարի:

ԱՎԵԼԱՑՎԵԼ Է ՆԱԵՎ ԿԱՅԱՆՄԱՆ ԿԱՆՈՆՆԵՐԻ ԽԱՆՏԱՆ ՏՈՒԳԱՆՔԸ



Թբիլիսիի քաղաքապետի քաղաքապետի Կախա Կալաձեի հայտարարությամբ, մայրաքաղաքում կանոնները խախտելու համար տուգանքը, մինչ այդ եղած 10 լարիի դիմաց, 50 լարի է դարձել:

Քաղաքապետի խոսքով, օրենքում համապատասխան փոփոխությունները խորհրդարանն ընդունել է Թբիլիսիի քաղաքապետարանի խնդրանքով: Ընդ որում, փոխվում է տուգանքները մուծելու կարգը. եթե մինչ այս փոստով էին ուղարկում տուգանքները, հիմա տուգանքները միայն հրապարակվելու են քաղաքապետարանի կայք-էջում, իսկ տուգանված քաղաքացուն ուղարկվելու է հաղորդագրություն:

ԽՍՏԱՑՎՈՒՄ ԵՆ ՈՉ ՍԹԱՓ ՎԻՃԱԿՈՒՄ ՄԵՔԵՆԱՆ ՎԱՐԵԼՈՒ ՊԱՏՄԱՆՁՈՑՆԵՐԸ

Խստացվում են պատժամիջոցները ոչ սթափ վիճակում մեքենան վարելու վերաբերյալ: Հի բացառվում՝ իրավախախտների համար կիրառվի վարչական կալանք: Արագության համար նույնպես ավելանում են տուգանքներ: Ավտոմեքենան արագ վարելու դեպքում, այսպես կոչված, խելացի տեսախցիկները կշտկեն, ինչն նաեւ արտացոլվելու է վարորդական իրավունքի միավորների համակարգին: Ներքին գործերի նախարարության կողմից այլ օրենսդրական փաթեթի կազմումը վերաբերում է ճանապարհային եւ դժբախտ պատահարների հետեւանքով զոհվածների թվին:

ԲԱՑԹՈՂՈՒՄՆԵՐ՝ ՏԵԽՍՏՈՒԳԱՆ ԳՈՐԾԵՆԹԱՑՈՒՄ

Մեքենաների տեխստուգման բարեփոխումը հասարակական կազմակերպությունների մի մասը համարում է ծախողված: Փորձագետները խոսում են գործընթացում բացահայտված բացթողումների վերաբերյալ: Բողոքներ ունի նաեւ այն ընկերությունը, որը 2018 թվականի հունվարից անցկացնում է մեքենաների տեխստուգում: Գլխավոր բողոքներից մեկը տուգանման կարգն է: Ընկերություններում եւ երրորդ սեկտորում պարզաբանում են, որ վարորդների մի մասը, մեքենայի տեխստուգման փոխարեն, նախընտրում է ամեն ամիս վճարել տուգանք: Այդ պատճառով, փորձագետները հորդորում են վերանայել օրենքը եւ այն ավելի խստացնել:

Պատրաստեց
ՅՈՒՐԻ ԽՈՐԵՆՅԱՆԸ